


宸垣識畧卷十三
十四

風陵文庫
文庫19
F 54
7



宸垣識畧卷十三

仁和吳長元太初氏輯

郊坰二

右安門在外城之西南隅。

南營外南二守備署。在右安門外關廂。

廣恩寺在右安門外西三里菜戶營。舊名清勝寺。俗呼周橋寺。寺有燕山府清勝寺慈慧大師塔幢。宋宣和七年建。

考按宣和五年。金以燕京及涿易等六州還宋。至

Z0054-(7)

七年十月宋郭藥師始以燕山叛降金。此幢是七年二月所立。故以宣和紀年。

九蓮慈蔭寺。在右安門外三里草橋之北。明崇禎十五年建。有悼靈王像。

碧霞元君廟。在右安門外十里草橋北數十武。土人呼為中頂。

右安門外南十里草橋。唐時有萬福寺。寺廢而橋存。天啟間建碧霞元君廟其北。

吳巖游中頂詩。十里城南綠滿川。春風春柳自經

年。名園幾廢靈祠在。孤負看花穀雨天。歲以四月一日開廟

都人士女競喧。奔花市闌珊。廟市繁。已見田田

好荷葉。風流憶殺趙王孫。趙松雪萬柳堂觀荷贈歌伎解語花詩

草橋在右安門外十里。眾水所歸。種水田者資以為利。

土近泉宜花。居人以蒔花為業。有蓮池香聞數里。牡丹芍藥。裁如稻麻。然諸花悉備。獨不能養蘭。惟萬明

寺有蘭數本。橋去豐臺十里。中多亭館。元廉右丞之萬柳堂。趙參謀之匏瓜亭。栗院史之玩芳亭。要在彌

望間。然莫詳其處矣。

王士禎過草橋詩。垂楊匝地板橋橫。沙路青驢得
得行。偶坐濠梁忘日暮。可憐泉水在山清。橋西二
水清濁

劃然至橋東。合流土人云清
者自西山來。濁者渾河也。

查嗣瑛雜咏詩。草橋十里百花妍。只有幽蘭種不
傳。生長山中畏塵土。托根誰羨帝城邊。

湯有曾自黃村歸經草橋詩。按鷹臺北接春郊。信
馬開行未覺遙。尺五城南好光景。到天烟色柳條
條。右安門外舊池亭。別墅參謀堂右丞。今日草
橋清淺水。還留一縷照衰興。

野雲廉公希憲子。都城外創造園亭。名花幾萬本。京
師號為第一。一日于萬柳堂張筵。邀踈齋松雪兩學
士。歌姬劉名解語花。左手折荷花持獻。右于舉杯歌
驟雨打新荷之曲。松雪喜而賦詩。為一時佳話。

元趙孟頫卽席贈歌姬詩。萬柳堂前數畝池。平鋪
雲錦蓋漣漪。主人自有滄洲趣。游女能歌白雪詩。
手把荷花來勸酒。步隨芳草去尋詩。誰知咫尺京
城外。便有無窮千里思。

查嗣瑛萬柳堂詩。梁園于頃牡丹紅。不及廉園一

萬叢未老先歸賢相國。肯將花事媚東宮。

祖氏園在草橋。水石亭林壇一時之勝。游草橋豐臺者往往過焉。乾隆初年歸于王氏。今又易主矣。

王上禎祖將軍園亭詩。鄰鄰水石映前灘。落落松簧返照殘。蓮葉蕭條蒲葉短。并將鳧雁作荒寒。

宋犖遊祖氏園詩。園林晴日散芳菲。曲徑藤稍欲罷衣。愛殺水亭風景好。蒲芽纔吐燕初飛。插天

高柳碧絲絲。一片東風淡蕩吹。彷彿隋家堤上過。露條烟葉叫黃鸝。亭北名葩取次看。一枝將放

倚雕闌。梁園記得春深日。斗大花開綠牡丹。高

臺突兀俯紅亭。樹杪西山一抹青。誰繫斑駁花鳴外。故吹長笛使人聽。

葉映榴和宋牧仲游祖氏園亭詩。十年花信匆匆過。見說南園憶舊遊。記得故人聯袂去。一觴一詠

亦風流。十里芳塵馬足輕。兩堤烟柳接山青。入門苔路盤紆細。行盡迴廊見水亭。湘竹屏風紅

板橋。一池春水映花嬌。踏青人過驚沙鳥。隔岸香來翠袖招。畫簾閒處水雲涵。花氣侵人酒易酣。

好景滿前應得句。不須重唱舊江南。

沈德潛看豐臺芍藥過王氏袁詩。開到將離四月天。城南隨路訪平泉。銖衣寶曆俱留眄。瘦燕肥環總可憐。一抹山橫飛鳥外。孤筇人倚亂霞邊。諸君終作探花使。慘綠應推最少年。路入花源柳半遮。

亭臺舊是故侯家。繁華頓醒三更夢。明麗仍披五色霞。邃戶飛飛通乳燕。野田閣閣鬧鳴蛙。登臨

振觸鄉園景。彷彿神遊葑水涯。地即祖氏園王阮亭尚書賦詩所云

水田一帶學僧衣也

年氏園在草橋

沈德潛過草橋年氏園看芍藥詩。城南饒菰蒲。陂塘淨寒綠。閒園平田際。徑術繚而曲。同人赴嘉招。林陰駐車轂。亭臺位帖妥。堆阜互起伏。名花故將離。繽紛耀羅縠。插援扶低亞。篆牌分種族。對花把尊酒。念舊感華屋。白楊乍成樹。朱輪已摧軸。天時變煥寒。人事有往復。浩浩發高歌。穠艷偶娛目。吾徒一餉樂。取適匪取足。醒酒來清風。松濤響謾謾。

○金南郊臺在南城豐宜門外。金大定間拜天子于此。又

名拜郊臺。金因遼舊俗。以重五中元重九日。行拜天之禮。重五于鞠場。中元于內殿。重九于都城外。

○金太祖平遼碑在南城豐宜門外。今無可考。

元果邏洛納新詩。十丈豐碑勢倚空。風雲猶憶下遼東。百年功業秦皇帝。一代文章太史公。石斷龍鱗秋雨後。苔封鰲背夕陽中。行人立馬空惆悵。禾黍離離滿故宮。

百泉溪在府西南一十里。麗澤關平地有泉十餘穴。漚而成溪。東南流入柳村河。

百泉地卑泥濘。四時不乾。一僧誓填之。功未就。旋壞已數年矣。

元宋駿城南俚歌。柳村南路百泉涌。陷車躓馬沮洳深。熒熒一僧獨負土。治道不成徒苦心。

豐臺在右安門外十八里。居民尚以藝花爲業。草橋河接連豐臺。爲京師養花之所。元人園亭皆在干此。有御製豐臺行詩碑二。

豐臺之名不知所始。洵之士人。并無臺也。

原按金時郊臺在南城外。豐宜門者金之南門也。

豐臺疑卽拜郊臺。因門曰豐宜。故曰爲豐臺。

王士禎豐臺看芍藥詩。回首旗亭畫壁時。重來已是十年遲。應劉逝後風流盡。只有恒河照髻絲。一宮錦。千絲費剪裁。泥他婪尾殿春杯。老顛賸欲相料理。乞取齊奴步障來。雨雨風風態自殊。花花葉葉不曾孤。更添練鵲和蟬蝶。便是徐熙六幅圖。霑濕春衣更不嫌。花枝姪姪雨廉纖。髻絲禪榻心情改。閒看兒童插帽簷。

朱至豐臺看芍藥詩。昨日慈仁買花歸。插滿銅瓶

香徹夜。今日豐臺賞花來。補茵更坐芳叢下。溥溥朝露猶未晞。東風吹過珠還瀉。珊瑚成堆玉作盤。殷紅膩白紛低亞。晴郊士女如雲屯。野老孤亭容我借。南國美人悵望遙。賦手空懷鮑與謝。適情無事張華筵。白酒黃雞供村舍。帽側狂歌驚四鄰。醉來欲啖崑崙蕨。長安貴游盡奢豪。雜沓譁呶猶夢怕。只應此地任棲遲。手斧腰鎌遠訕罵。湯右曾豐臺看芍藥詩。曉色矍矍錦障開。殿春花事數豐臺。天公雨露園公力。等是批紅判白來。

休嗟狼藉市門前。繞郭栽花萬畝連。當日洛陽全盛日。一枝姚魏直于錢。

沈德潛豐臺看芍藥詩。柔枝穠態若爲情。客裡看花眼倍明。略似少陵臨水見。五家合隊麗人行。文聰雕砌付蒼烟。開到名花轉可憐。猶有園丁閒把耒。逢人還訴舊平泉。

○韓御史遠風臺。在豐宜門外西南四五里。宜遷鄉約今豐臺相近。

元王恽寒食日韓氏南莊讌集詩。重城鞍馬厭紅

塵。春草池塘發興新。自擬嘯歌知道在。不分賓主更情親。青山似喜談時事。白髮空慚滿領巾。默數向來投轄飲。不應驚座獨陳遵。

補按今之豐臺。疑卽遠風臺之遺址。

長元按韓氏係總管通甫判府君美昆仲也。所稱南莊卽遠風臺。

○葆臺去城南三十里。故老相傳。金明昌時李如避暑之臺。有寺院甚壯麗。乃故京藥師院之支院也。今不可考。

廣寧門在外城之西門外。築石道至盧溝橋。有世宗御製廣寧門外石道碑。又

御製重修石道碑。

南營外南三守備署。在廣寧門外大街。

天寧寺在廣寧門外。元魏孝文帝建爲光林寺。隋爲宏業。唐爲天王。金爲大萬安。明宣德中修之。名曰天寧。正統中修之。名曰萬壽戒壇。本朝乾隆二十一年重修。有

御書聯額并御製碑。

寺當元末兵火蕩盡。文皇在潛邸。命所司重修。姚廣孝退自慶壽居焉。宣德十年改今名。

明王綬游天王寺次王時彥韻。古寺尋幽竟夕暉。敗垣芳草路依微。鳥啼空院僧何在。樹老閒庭鶴自歸。靜對方池移石坐。高臨孤塔看雲飛。平生自信心無礙。不是衰年始息機。

尤侗夜投天寧寺宿詩。昏黑應須到。花宮接雉壕。鐘鳴寒月靜。鈴語夜風高。千里獨爲客。一官何太勞。擔當依淨土。破衲補征袍。

尤侗再遊天寧寺詩。古刹先朝外道場。三千精舍贊公房。繡幢翡翠遺宮線。寶鼎芙蓉隱御香。虛殿蒼茫搖落日。老松寂寞倚寒霜。關山百戰多荆棘。處處伽藍似洛陽。

徐乾學天寧寺詩。籃輿攜伴愜幽懷。古寺寒鐘景色佳。開閣青山方滿座。入門紅葉已翻階。清談不厭王濛茗。枯坐真同蘇晉齋。會向射堂還秉燭。知君不惜酒如淮。禪房不設酒故云

朱彝尊寓天寧寺詩。青豆房容借。經旬且閉關。日

邊連右輔。樹杪豁西山。六井泉相似。千花塔易攀。不應朝市客。翻羨旅人閒。萬古光林寺。相傳拓政宮。著書非柱下。留客即庵中。味坵園蔬甲。香携市酒筒。波濤人海濶。安坐作漁翁。

天寧寺塔高十三尋。為十三級。相傳中有舍利。隋文帝建。四周綴鐸萬計。風定風作。音無斷時。塔前一幢書體道美。亦開皇中立。

王士禎天寧寺觀浮圖詩。千載隋皇塔。嗟哉俯舊京。相輪雲外見。珠網日邊明。淨土還朝暮。滄田幾

變更何當尋法侶。林下話無生。

朱彞尊天寧寺大風和徐處士韻。檻外開皇塔。三千六百鈴。天風吹不定。一夜枕函聽。砌咽寒蟲語。臆搖獨樹形。故人眠未穩。吟傍佛前燈。

考按天寧寺塔倒影之說。帝京景物畧較諸說為明顯。今塔頂無珠。塔後無大土殿。倒影之蹟。蓋不可得而考矣。

大慈觀音寺。又名海會禪林。俗名南觀音寺。在廣寧門西一里。亦白紙坊地也。明成化中上林苑監覃盈建。

有

聖祖御書額。又

世宗御書額。并御製碑。

普濟堂在廣寧門外迤西二里有

聖祖

世宗御書暨

今上御製碑。

柳巷出廣寧門五里。土名柳巷村。有普濟菴。妙智文殊菴。皆明嘉靖年建。又財神廟。本朝乾隆元年重建。

士民祈賽。香火甚盛。

毛奇齡上巳同王光祿柳巷修禊詩。細雨新吹九陌塵。桃花又放曲江春。同來柳市傳觴客。仍是蘭亭修禊人。駿馬郊原籠碧絲。紅竿挑餽踏花時。如何兩度芳林宴。不作王融上巳詩。

福生寺在盧溝橋北五里。禪各村。係舊刹名彌陀菴。

本朝康熙間僧元信募修。雍正時封禪師。號文覺。因

勅建以為退院。有

世宗賢

今上御碑。其塔院在寺後。乾隆十五年莊親王作銘。

濕水即桑乾河。至馬陘山為落馬河。出山謂之清泉河。

亦曰于泉。至雍奴入笱溝。謂之合口。

濕水又東與洗馬溝合。洗馬溝在府西南四十五里。

上承薊水。西注大湖。相傳光武北巡洗馬于此。又云

即姚期奮戟處。

桑乾泉即溱洧水也。其水潛承太原汾陽縣北燕京

山之大池。古老相傳。有人乘車于池側。忽遇大風飄

之于水。有人獲其輪于桑乾泉。故知二水潛流通注

矣。桑乾水自源東南流右為馬邑川水。東南流合濕水。桑乾水濕水並受通稱矣。

盧溝河舊自宛平縣東經大興縣南至東安武清入白河。即桑乾故道也。亦謂黑水。水色最濁。其急如箭。

盧溝橋在廣寧門西南二十五里跨盧溝。為南北往來大道。金大定二十九年作。明昌三年橋成長二百餘步。左右石闌刻獅子數百枚。情態各異。元明累加修葺。本朝康熙三十七年重修。

賜名永定河。乾隆間設分司管理之。又

敕建永定河神祠于盧溝橋側。有御製文勒碑。

元至正十四年四月造過街塔于盧溝橋。

考按過街塔在西直門外迤西四十里。距盧溝橋十餘里。今存。

金趙秉文盧溝詩。河分橋柱如瓜蔓。路入都門似犬牙。落日盧溝溝上柳。送人幾度出京華。

元楊奐盧溝詩。燕姬歌處嘯鶯喉。燕酒春來滑似油。自有五陵年少在。平明騎馬過盧溝。

明顧起元盧溝橋詩西山籠霧曉蒼蒼一綫桑乾
萬里長最是征夫望鄉處盧溝橋上月如霜

宋犂過盧溝橋詩盧溝橋畔雪霜多今日衝寒又
一過不道鄉心南去急祇疑波浪似黃河

沈德潛過盧溝橋詩桑乾流百折到此激盤渦今
古利名客俱從橋上過風沙揚旦暮鎖鑰壯關河

塵海茫茫際誰人發浩歌

西路同知署在盧溝橋

符氏雅集亭蓋元人也袁清容謂之酒亭貢雲林謂

之野亭皆有題咏亭在盧溝橋側今不可考

○青菰村及何將軍別業俱無考

元太保劉秉忠墓在盧溝橋北墓前石獸尚存

明姚廣孝春日謁劉太保墓詩芳時登壠謁藏春

兵後松楸化斷薪雲暗平原眠石獸雨荒深隧泣

山神殘碑薛實文章舊異代人傳姓氏新華表不

存歸鶴怨幾多行客淚沾巾

金閣寺在石景山有塔宜遠眺明正德中朱寧營建邀

上幸焉山孤峯特立洞皆鑿石而成

王士禎登石景山浮圖詩。浮圖茲山頂。峻嶒插孤
標。千盤歷詰曲。直上凌風颺。寒空稍明淨。百里見
織毫。茫茫塞上山。浩海連波濤。渾河盪山來。石壁
如動搖。咫尺居庸關。鳥道迴青霄。上谷接雲中。設
險非一朝。聖代亭障空。九泥罷函穀。關門閒落
日。士馬無矜驕。迴身望漁陽。城闕何奈奈。薊邱植
汶篁。遺烈思燕昭。望諸與騎劫。智勇皆蓬蒿。朔吹
揚驚沙。屯雲怒盤鵬。慷慨一傷懷。覽古心鬱陶。逝
將御冷風。揮手辭塵囂。

惠濟祠在石景山。雍正年建。以祀永定河神。有

御製詩。

明林衡署在石景山東南。有古松數百株。叅錯平野
間。蓋先朝果園。

碧霞元君廟在石景山。明萬歷中董常侍建。

西便門在外城之西北隅。

白雲觀在西便門外一里。元太極觀故墟。中塑丘真人
像。白皙無須眉。都人正月十九日致酌祠下。謂之燕
九節。本朝乾隆二十一年五十二年兩次。

勅修有

聖祖暨

今上御書聯額。并御製碑。又真人像前有本鉢一。乃刻木瘦爲之。上廣下狹。可容五斗。內塗以金。恭刻皇上御製詩。其中石座承之。繞以朱欄。

長春真人姓丘氏。名處機。字通密。號長春子。登州棲霞縣濱都里人。金大定丙戌年十九辭親居崑崙山。丁亥謁重陽全真開化王真君壽于寧海。請爲弟子。戊申召見闕下。隨還終南山。貞祐乙亥。金主召不起。

已卯宋遣使來召亦不起。是年五月太祖自奈曼國手詔致聘。處機與弟子十八人往焉。壬午見太祖于雪山之陽。拳拳以止殺爲勸。問爲治之道。則對以敬天愛民爲本。問長生久視之道。則告以清心寡慾爲要。太祖深契其言。癸未乞東還。賜號神仙爵大宗師。掌管天下道教。甲申八月奉旨居燕京太極觀。丁亥五月改太極爲長春。七月留頌而逝。年八十。至元己巳詔贈號長春演道主教真人。

真人丘長春能燒金。佐世祖軍國之用。以功封以金

印主教全真

觀前爲玉歷長春之殿。有明碑四。右有儒仙殿。中塑
赭面黑髯。襖頭團花袍。玉帶袞補。按仙源錄。有觀津
張本者。正大九年。以翰林學士使北。見留。遂隱于黃
冠。居燕長春宮。疑卽其人。再入爲翁光之殿。有明碑
二。中列七真像。旁繪十八弟子。曰趙道堅。宋道安。尹
志平。孫志堅。夏志誠。何志清。張志素。李志常。基志清。
潘得冲。孟志穩。鄭志修。鞠志圓。于志可。王志明。宋得
方。張志遠。楊志靜。皆稱曰宗師。又北爲貞寂堂。有明

碑一。中塑丘真人像。二。其大者。雙瞳點漆。精彩如生。
非阿尼哥劉鑿輩不能也。

元袁桷遊長春宮詩。珠宮敞殊界。積構中天臺。神
清歷倒景。青紅隱蓬萊。羣山助其雄。哀哀從西來。
八荒昔禹甸。爲此增崔嵬。舊邑環蟻垤。清泉覆流
杯。雲低落日淨。莽蒼同飛埃。緬懷古仙伯。采芝雪
珪璫。長春豈酒國。殺氣爲之迴。天風起高寒。玉珮
聲徘徊。空餘水中輪。歷錄環春雷。之人去已久。松
聲有餘哀。

明朱國祚題白雲觀詩。一言止殺。古人難。多少逋臣藉爾安。辛苦捐軀。文信國得歸也。擬著黃冠。

徐乾學白雲觀詩。浮圖寶鐸半空聞。仙觀還看榜

白雲。霜樹紺園鴉。白集。岩花丹竈鶴依羣。碑鏤仁

壽留千載。蹕駐崆峒。記數君。行樂祇應憑眺徧。未

妨徒倚到斜曛。是日遊天寧寺至此

朱彝尊白雲觀詩。愛見晴山出。郊西萬木疎。偶尋

樵子徑。因訪羽人居。活脫存遺像。蒼涼感廢墟。惟

餘綵旛字。髣髴鶴頭書。世祖與元日。真人獨召

丘。片言能止殺。萬里不虛游。羽蛻長春觀。池枯太

液流。誰裁釋老傳。乃與帝師儔。

○真常觀長春別院真常李公所創。在宮西一里。與朝

元閣相直。有廢地一區。真常構得之。版築未施而逝。

弟子張誠明繼其志焉。

冲和潘公長春弟子。居燕廣陽坊。居人有貨其屋者。

公質之以為長春別館。建正殿。翼以左右室。築琴臺。

于殿之陰。金有琴一。日春雷。日玉振。皆在承華殿。真

祐之變。玉振為長春所得。命公蓄之。故以名其臺。觀

成以清逸名之。潘公自號九峯老人。

考按白雲觀西有土阜一。未識為琴臺遺址否。清逸觀久廢。

○哀忠墓在觀四十餘里。相傳唐太宗見隋煬帝征遼所亡士卒骸骨。惻然憫之。令悉收葬為一大塚。因名。○觀西南五六里。為蕭太后運糧河。今泯滅不可問矣。廣恩寺遼之奉福寺。在白雲觀西南。地名栗園。今土人猶呼為三教寺。遼之石幢浮圖及明碑俱不可考。考按遼史南京有栗園。蕭韓家奴嘗典之。疑即此

地。

崇壽寺土人呼為鐵獅子廟。寺門外鐵獅二。跌下有鎮宅獅子字。明弘治七年造。寺在白雲觀西六里羊坊店。有明大學士費宏吏部侍郎溫仁和二碑。

普會寺。遼之駐蹕寺也。在玉河鄉池水村。明嘉靖中太監蔡秀恭重建。土人呼其地為蔡公店。殿前石幢一。書大佛頂尊勝陀羅尼經。後題大朝歲次己酉。當是金定宗未立國號之時。因稱大朝亦未可定。殿後一遼時松及松下石幢。鏤沙門奉航塔記。皆不可考。

記稱師諱奉航。俗姓李氏。涿水新城縣人。幼禮燕京左街駐蹕寺祥玉上人。清寧元年受具。大安五年提點涿州惠仁寺。壽昌二年提點京北華嚴寺。乾統八年遷化于駐蹕之木院。門弟子善堅葬之。刻石述師實行焉。

永安寺在玉河鄉。明萬歷年建。

元星吉墓在玉河鄉。以江西行省平章死難。明宋濂撰碑。

靜義菴在玉河鄉池水村。有磬一。識宣武門外竹林寺。

此即惠顯鑄造。明景泰四年四月吉日。殆本是竹林寺物。後人移供于此者。

普濟寺在池水村。有鐘一。明正德五年造。

三官廟在池水村。有明碑一。萬歷己未中書舍人米童蒙撰。

圓通觀在三里河。有磬一。明萬歷甲午年造。

無量菴在三里河。有順治十六年重修碑。無撰人姓名。碑稱係古刹。靈佑觀。明正德間剏。今為廣種寺。文明上人別院。改額為無量菴。

重興寺 藥王廟皆在三里河。無碑碣舊器可考。
圓覺禪寺在三里河路北。明嘉靖間中涓麥某建。本
朝乾隆十六年重修。有

聖祖御書額。又工部左侍郎董邦達碑。寺有鐘樓懸銅
鐘一。識明嘉靖甲午年五月阜成門外三里河池水
村太監麥某造。

釣魚臺在三里河西北里許。金主游幸處。乾隆三十八
年濬治成湖。以受香山新開引河之水。復于下口建
閘。俾資蓄洩。由三里河達阜成門之護城河。至東便

門入通惠河。有

御書釣魚臺三字。并御製詩。

釣魚臺在府西花園村臺下。有泉涌出。滙爲池。其水
至冬不竭。

明公孫詩。花石遺墟入戰圖。薊門衰草釣臺孤。不
知艮嶽宮前叟。得見南兵入蔡無。

宋準釣魚臺詩。欲訪垂綸處。長歌鷺鷥來。澄波飛
野鴨。斷岸失孤臺。正喜青藤共。寧愁畫角催。勝游
應再續。計日射丹開。

吳煜釣魚臺詩。金主登與幾度來。釣臺高欲比金臺。可憐臺下王飛伯。不及鯀魚得奮腮。金人王鬱隱后釣臺
觀音寺在玉河鄉池水村。金大定間比丘智完建。明程敏政重修。碑記誤以卽杭州天竺觀音像爲烏珠入杭。徙而北者有。

御製訂訛文勒石以正其謬。

玉淵潭在府西十里。卽玉河鄉。元郡人丁氏故池。柳堤環抱。景氣蕭爽。沙禽水鳥。冬翔集其間。爲游賞佳麗之所。元人游此。廣和極一時之盛。

明王嘉謨詩。玉淵潭上草淒淒。百尺泉聲散遠溪。

垂柳滿堤山氣暗。桃花流水夕陽低。

觀音菴在玉河鄉打旋廠。有明萬歷四十七年鐘一。

關聖廟在高麗莊。有明碑一。

勝泉寺在高麗莊。有明碑一。

三義廟在核桃園。有明碑一。木朝順治十七年翰林

侍讀馮源濟碑一。

碧霞元君廟在核桃園。有康熙六十一年編修傅王露碑。

○廣慧寺在玉河鄉朱家莊。明成化間因五華寺遺址修建。今已圯。

廣濟庵在玉河鄉池水村。明天順元年建。有金承安五年四月僧行臻塔幢。

太乙集仙觀在京西鄉馮家里。元元貞元年以其地畀純一真人。口全祐。有栗五千株。全祐相栗林隙地。重岡環抱。下有寒泉。旁地衍沃。可引灌溉。構正殿三楹。翼以兩廡。繚以石垣。王暉為之作記。大德元年勒石。阜成門在京城西之南。

西城副指揮署在阜成門外。

夕月壇在阜成門外西郊。壇制方東向。一成方四丈。高四尺六寸。面甃金磚。陛四出。皆白石。各六級。方壇周九十四丈七尺。高八尺。厚二尺三寸。壇正東三門。西南北各一門。凡丑辰未戌年。

親祭。餘遣官每年秋分日祭。以西時壇上黃版素書。夜明之神位。東向。綠版金書。

二十八宿之神位。周天星辰之神位。木火土金水星之神位。俱南向。

勞之辨夕月壇陪祀詩。冰輪夕曜配朝暎。設坎規
模古制存。尚白總依商帝色。位西仍避太陽尊。節
因小盡奠留葉。魄待初生桂露痕。黍竊列卿空應
象。羞將衰髻照銀盆。

萬明寺在月壇東。有明萬歷間鐘一。

慈明寺在南驢市口。有明萬歷四年勅建碑。

關聖廟在漏澤園。有明碑一。又本朝康熙二十九年

中書高聯璧碑。

普濟藥王廟在南路園口。已圯。有明萬歷間磬一。天

啟間鐘一。崇禎間大香爐一。

○泰山聖母宮在南路園口。已圯。有明崇禎間香爐一。

九天廟在大營鄉。院後為三聖殿。有明碑二。

報恩寺在甘家口。有明碑一。

天仙聖母祠在甘家口。有明碑一。

廣福禪林在甘家口。有明天啟間磬一。

大悲菴在甘家口。有明嘉靖間鐘一。

寶塔寺殿前有塔高二丈餘。計五層。皆六面。每面刻佛
像。有明正統十一年賜禮部劄付碑。初名宰塔。後改

今名

慈悲院在阜成門西關大街。乾隆二十八年潭柘僧募建。為收養老稚廢疾之所。

衍法寺在阜成門外大路北。有明正德七年大學士李東陽碑。吏部尚書楊一清碑。後殿有鐘一。鑄造尊勝陀羅尼幢記字。又施食幢上刻神像。皆乾隆三十六年寺僧掘得者。

○資福寺明正德間僧圓昇建。土人呼卧佛寺。已圯廢。今西直門大街迤南。有寺數椽。亦名資福。乃寺僧移

樓于此。而仍舊名。有香爐一。曰資福。永遠供奉。明萬曆丙子鑄。

慈悲寺去阜成門二里。明萬曆壬寅蜀僧愚菴建。本

朝乾隆二十二年奉

勅重修。有御書額。

寺中旃檀金像。乃黃太史輝手白撥蠟。精工特甚。寺碑陶太史望齡撰。黃太史書丹。外有蜘蛛塔碑。甘井碑。金剛塔碑。皆黃書。並稱能品。

○靜樂堂在慈悲寺後二里。皆葬宮人處。所謂宮人斜。

查嗣琛詩銅符抵玉魚。并冷胭脂澁。不及景陽宮。

生共君王入。蜘蛛塔繞虎皮牆。老樹山門盡白。

楊。夜半宮人斜上月。冷隨環珮禮空王。

永隆寺在阜成關外。金源時建。初名地藏寺。明正統間。

重修。改永隆禪寺。在香山鄉。又名漏澤園。

西域寺在阜成關外馬家溝。俗呼三塔寺。明宣德年建。

為灌頂廣善西天佛子大國師茶毘之所。其大弟子。

烏巴廸呢雅寶哩等建灰塔立寺。告成之日。賜名西。

域。

嘉興觀在阜成門稍北。而西北通白石橋。

歐邏巴修士利瑪竇墳。在白石橋西。

明太傅惠安伯張公園。在嘉興觀之右。牡丹芍藥各。

數百畝。花時主人制小竹兜。供遊客行花塍中。

查嗣琛詩花塍迢遞竹兜過。百頃張園似錦窩。四。

十餘年筋力盡。主人看少客看多。

慈壽寺去阜成門八里。明神宗為慈聖太后建。成于萬。

歷六年。殿宇壯麗。左有永安壽塔十三級。聳出雲漢。

四壁金剛像如生。本朝乾隆二十二年。

較重修有御書額。舊有明大學士張居正碑。又閣臣申時行許國王錫爵瑞蓮賦。勒碑寺左。

九蓮菩薩者。孝定皇后夢中授經者也。覺而一字不遺。因錄入大藏中。旋在慈壽寺殿後建九蓮閣。內塑菩薩像。跨一鳳而九首。寺僧相傳菩薩即孝定前身也。今寺內香雲閣下東偏。供像一尊。高尺雲有跨鳳九首之形。

明陳萬言慈壽寺詩。帝城門外刹。舍衛國中臺。初地三摩入。慈宮萬壽開。午鐘招雉雀。夜雨積莓苔。怪底花間客。浮名逐夢來。

王王禎登九蓮閣詩。憑闌試騁望。遠近一寒林。不見西山色。蒼茫雲外深。

摩訶菴在慈壽寺傍。明嘉靖丙午中官趙政建。菴不甚大。潔淨特甚。前後多松檜。四隅各有高樓。疊石為之。登樓一望。川原如繡。西山蒼翠。欲與人衣袂接。萬歷後菴中杏花多至千餘。遊人最甚。天啟中樓為魏奄所毀。

摩訶菴東偏金剛殿。有明人重臨三十二體金剛經石刻。

考按金剛經集纂三十二體石刻每經一章為一

體每體標以分書。附以釋文。明陳萬言及 本朝
王崇簡有跋。

王士禎游摩訶菴詩。西院枕廻溪。青山滿高閣。祇
園天氣佳。苔砌餘紅藥。鳥如迦陵響。梵是魚山作。
微雨急來過。紛紛幾花落。東院更幽絕。蒼苔引
深處。修篁蔽簾櫳。風聲在高樹。恍惚思舊遊。繾綣
未能去。誰賦洞庭詩。清如孖山句。

高士奇摩訶菴看杏花詩。青郊路轉見芳菲。日暖
園林燕子飛。別圃乍經山杏落。僧厨新煮藥苗肥。

繁花舞蝶迎人面。細草輕烟上客衣。更向層臺高
處望。千峯螺黛送春暉。

法藏菴在摩訶菴右。又名永慶禪林。為摩訶別院。

明馮琦宿法藏菴詩。妙諦聞龍藏。清談過虎谿。更
從雙樹杪。借我一枝棲。法界心常淨。名琴手自携。

曲終人境寂。殘月竹房西。菴僧無
鉉善琴

元福宮在摩訶菴西。明正德五年建。中有蒼松四株。最
奇古。後殿三清六真像。皆範銅為之。配殿文昌與夾
侍童子亦銅像。旁鑄一騾。銅質光潤。絕似宣德鎏金。

薰爐色。有崇禎間中書袁志學碑。

宋肇自蘇州寺過元福宮詩。鄰寺看碑入。仙居載

酒行。荒涼前代蹟。憑弔此時情。塔院饑鸚鵡。丹房

野蕨生。松陰留小憩。格磔暮禽鳴。

查慎行元福宮詩。出屋聞遠鐘。入門走長松。粘天

百頃濤。下有掉尾龍。長養紀何朝。云自明武宗。廻

鞭促斜照。紫翠凝西峯。

慈育院在十里莊。舊稱碧霞元君廟。康熙四十六年

敕重修。有御書聯額。

報誠寺在十里莊平邊店。寺門額識正德戊寅年。蓋亦

明所建也。

靈感觀音菴 寶華菴皆在田村。

顯應寺在阜成關外香山鄉黃村。康熙五十八年因保

明寺舊基修建。有

御書聯額并清漢字碑。

西黃村保明寺。是比邱尼焚修之所。寺建自呂姑。明

正統間姑諫阻北征不聽。復辟後念之。封為御妹。建

寺賜額。藏天順手敕三道。有寺人司戶。俗呼皇姑寺。

王士禎皇姑寺詩。皇姑寺前風日晴。畏吾村畔草
痕生。山桃堤柳自春色。粥鼓鐘魚非世情。鐵券南
宮憐將相。黃沙北狩誤公卿。獨慙叩馬輪巾咽。天
市星文幾夜明。

宋肇皇姑寺詩。叩馬名高巾幗中。斜陽幽寺帶芳
叢。黃沙翠輦當時恨。畫幔雲旗異代崇。流水若教
能納諫。奪門奚事更論功。妻涼尼子迎神曲。不少
人間烈士風。

雙林寺。明萬歷初大璫馮保營葬地。造寺曰雙林。雙林

馮之別字也。後西竺南印度僧足克戩古爾居之。賜
名西域雙林寺。

足克戩古爾西竺南印土人。萬歷四年東入中國。初
息天寧寺。後過阜成門外二里溝。見一松盤覆。趺坐
其下。默持陀羅尼咒。匝月不食。僧耳環手鉢。紅罽衣
蒼紫面而髯鬚。肖古達摩相。長侍畢某奏之。賜織金
禪衣。爲建寺曰西域雙林寺。殿供三大士。西蕃變相
也。寺後一土山。山前一塔。傍多朱櫻。

葉映榴雙林禪院觀荷詩。勝侶尋幽紉芳筵。對水

張宿紅窺鏡影。高翠捧珠光。雨後人尤愛。觴傳我亦狂。相看塵土氣。俱付碧雲鄉。

湯右曾過雙林寺詩。高柳鳴蟬已到門。小橋雨壞書昏昏。茶香一勺知新味。鴻爪何年識舊痕。年落槐花秋夢冷。自翻荷葉午風喧。痴人未用痴相惜。寶帶華纓一笑論。

長元按足克戡古爾人中國之時。正馮璫建寺之時。其後馮敗而寺存。因以居之。賜名西域雙林寺。增設西番變相。非特建也。六研齋筆記。載番僧鎖

喃。曩結自述云。初至中國住五臺山羅喉寺。二年遇太監劉潤。引至北京雙林寺。萬歷三十年五月。敕奉明肅皇太后命。住萬壽庵持咒。卽萬壽寺三年。有番經廠太監張貴。奏于御前。令引見。命住雙林寺。設壇濟幽。四十九晝夜。賜紫衣寶冠。命西經廠掌壇教授中貴云云。其敘甚詳。帝京景物畧所載。多傳聞之談也。

興教寺在雙林寺東。明成化中建。以居大興法王結幹領占者。

長元按銷喃曩結云。先代和尚班的答祖。乃成化皇帝國師。歿于東土。賜法王寶殿塔院。

神虎橋在雙林寺西二里。橋有四石虎。明萬曆中一虎夜逸。遂名三虎橋。

查慎行三虎橋詩。狼石怒趁人。風聲挾秋雨。馬驚左右顧。橋滑路難取。誰呼北平守。三發三飲羽。我欲從之游。入山射真虎。

宸垣識畧卷十三

宸垣識畧卷十四

仁和吳長元太初氏輯

郊坳三

西直門在京城西之北門外。修石道二十里至圓明園。

王士禎城西詩。都城負太行。勃碣地形古。城西富流水。磬折頗參伍。裂帛憺滄著。淵淵乃句矩。北土青龍橋。雲峰燦可數。皎如奩中鏡。曉牕照眉嫵。南過金口寺。徧地鵝王乳。錦石映文魚。白蘋間紅菹。

吾家魯連陂。簑笠渺烟浦。小別二十年。稻塍幾風雨。安得半尺筮。行歌鞭水牯。

南營外南一守備署。在西直門外西關。

高粱河在西直門外半里。為玉河下游。玉泉山諸水注焉。高粱其舊名也。自高粱橋以上。謂之長河。

濕水又東南。高粱之水注焉。水出薊城西北平地泉。東注經燕王陵北。又東經薊城北。又東南流入濕水。俗諺云。高粱無上源。清泉無下尾。蓋以其源散漫難尋故也。

長元按魏征南將軍劉靖碑云。高粱河水出自并州。黃河之別源。侯立過于水道。高粱河造戾陵。過開車箱渠。水流乘車箱。自薊西北。逕昌平。東盡漁陽潞縣。所潤合四五百里。灌田萬有餘頃。是水經注所云。水出薊城西北。乃車箱渠之下流。而非高粱河之本源也。又碑在大城東門內道左。則魏晉時幽州城郭。在今京城之西北。可以概見。○齊園在西直門稍右。園盡則高粱橋矣。園中有板橋。叢竹海棠甚多。

高梁橋西直門外石道轉北有坊二。南坊曰長源永澤北坊曰廣潤資安過橋為

倚虹堂。由此溯長河為

樂善園。詳苑

明朱茂昫清明日過高梁橋詩。高梁河水碧灣環。半入春城半繞山。風柳易斜搖酒幔。岸花不斷接禪關。看場壓處掉都盧。走馬跳丸何事無。那得丹青尋好手。清明別寫上河圖。

王士禛小憇高梁橋詩。昔日高梁道。綺羅矯上春。依然挑菜渚。不見採蘭人。新水生魚鱗。輕絲漾麴塵。不妨成漫興。青草正如茵。

高梁閘在西直門外迤北一里。元至元二十九年建。名西城關。

水從玉泉來三十里至橋下。夾岸高柳絲垂到水。綠樹紺宇。酒旗亭臺。廣畝小池。蔭爽交匝。歲清明日。都人踏青游者以萬計。浴佛日重午日游亦如之。

○巡河廠在高梁橋稍西。門外臨流諸山。濃黛涵浴水。光中。都人多于此游觀。

廣通寺在巡河廠北。元之法王寺也。亦春游勝地。有聖祖御書并御製碑。

慈獻寺在廣通寺西。係明舊刹。乾隆間重修有

御書額。

極樂寺去高粱橋三里。明成化中建。門外有二柳。高拂天。長條踈地。可掃馬蹄。中有松亦佳。成化中寺內牡丹最盛。春日游騎恒滿。寺東有雨花亭。西爲通霞觀。有老栢四株。兩人抱之不能合也。

圓明園干總署在水磨村。

大佛寺在西直門北三里香山鄉畏吾村。明正德中太監張雄建。賜額曰大慧。并護勅勒于碑。寺有大悲殿。重簷架之。范銅爲佛像高五丈。土人呼爲大佛寺。嘉靖中太監麥口於其在增佑聖觀。後山蓋眞武祠。時世宗好道。寺藉此以存。有大學士李東陽李本禮部尚書王錫爵碑記。本朝乾隆二十二年重修。有御書額。

長元按嘉靖中御用監麥福掌團營當卽其人。

○明大學士李東陽墓在畏吾村。今無考。

李車陽在
畏吾村東
翁罕佳話
松門在約大
宛西孫之智
工修葺賦
詩刻石余
地

宸垣諸畧

查嗣琛畏吾村詩。村童擔上沙。丞相墓前石。惟有
宮中鴉飛來弔寒食。

大真覺寺在極樂寺西。明永樂時西域中印土僧板的
達來貢金佛五軀。金剛寶座規式。詔封大國師建寺
居之。成化九年詔寺中準中印土式建寶座累石臺
五丈。藏級于壁。左右蝸旋而上。頂為平臺。列塔五各
二丈。塔刻梵字梵寶梵華。本朝乾隆二十六年重
修有。

御書聯額并御製碑。

俗稱五塔寺。塔旁有銀杏二株。聖曆五年。余為親訪其地。

白石橋在西直門西里許。有明萬駙馬白石莊。臺榭古
本為附郭園亭第一。

明劉榮嗣白石莊詩。仙圃宜秋色。相將戀夕曛。松
青新濯雨。槐古舊侵雲。竹牖池光合。山亭石翠分。
鳳簫遺韻在。擬向月中聞。

朝真觀在白石橋西。本朝康熙三十三年重修。有太
常少卿勵杜訥碑。

○延慶寺在朝真觀西。
長元按燕都游覽志。有延壽菴。在白石橋西二里。

殿宇精嚴。疑卽延慶寺。

○元歐陽原功墓。李孟墓。俱在香山。劉石井村。

廣源闢在西直門西七里。元至元二十六年建。本朝

頻加修葺。于此易舟入昆明湖。達繡漪橋。至清漪

園。

萬壽寺在廣源闢西數十武。明萬曆五年建。殿宇極其

宏麗。左鐘樓前臨大道。鐘鑄自永樂。徑長丈二。內外

刻佛號。彌陀法華諸品經。蒲牢刻楞嚴咒。銅質精好。

字畫整雋。相傳沈度筆。少師姚恭靖公監造。名曰華

嚴鐘。擊之聲聞數十里。有敕建碑。大學士張居正撰。

後鐘棄于荒地。本朝乾隆十六年移鐘于城北覺

生寺。有

御製碑。清漢蒙古西番四體書。

明朱國祚萬壽寺詩。貝葉三車少。華鐘萬石餘。聲

仍到長樂地。合置精廬瀟灑人。王界莊嚴學士詩。

秋來霜落後。流響更何如。

萬壽街在萬壽寺西路北。設關門。有長衢列肆。北達

暢春園。居人稱為蘇州街。

魏之琇詩樓館青紅百貨俱。水郵山郭似姑蘇。小
人近市真堪羨。翻作人間大隱圖。

昌運宮在廣源間之南三虎橋西里許。初名混元靈應
宮。明正德六年司禮太監張永建。有敕建碑。又大學
士李東陽副使劉效祖碑二。本朝乾隆三十四年
敕修。有御書并御製詩碑。清漢各一。

查慎行昌運宮詩。老鶴巢古枝。虛廊交冷翠。凄凉
前代塚。傳是張常侍。煌煌元老文。苔蝕仆碑字。賜
域滿西山。斯人或無愧。

興勝庵在昌運宮西。明萬歷中建。土人目為松林。今松
無復存矣。

查慎行興勝庵看杏花詩。幸是韶光處處同。勝遊
隨意轉芳叢。先經摩訶菴不得入別開香界松林外。遙指烟

村杏社東。黛色濃添三面綠。日痕微減一分紅。只
須十步凌丹閣。多少花頭在下風。及記當時載
酒遊。舊題幾壁拂塵留。重隨客到僧猶識。不待人
言我欲愁。牧笛聲中芳草路。鞭絲影裏夕陽樓。花
開花謝年年事。豈料傷春易白頭。

中營副將署在海淀。

暢春園守備署在海淀莊。

三笑菴在萬壽寺西。過此為麥莊橋。相傳明代舊刹。

本朝重加修葺。有

御製碑并御製詩。

廣仁宮碧霞元君廟名藍靛廠。在麥莊橋之西。長春橋

俗呼西頂。有

聖祖御製碑。又

今上御書聯額并御製詩碑。

關聖廟在廣仁宮東。乾隆二十一年

敕修。

自怡園在海淀大學士明珠別墅。

查慎行過相國明公園亭詩。名園多在苑東偏。不

數樊川及輞川。綺陌東西雲作障。畫橋南北草含

烟。鑿開邱壑藏魚鳥。勾勒風光入管絃。何似贊皇

行樂地。手栽花木記平泉。毬場車埒互相通。門

徑寬閒五百弓。但覺樓臺隨處湧。不知風月與人

同。紫駝卧草平沙外。白馬穿花細雨中。一片近郊

農牧地。可容雞犬識新豐。

巴溝村有巴溝橋。東南與萬泉莊接壤。其水自南而北。匯入。暢春園。為丹稜沈。即宮門前之南菱池也。其源自萬泉莊來有。

御製碑

高粱橋西北十里平地有泉四出。潄為小溪。凡數十處。北為北海淀。南為南海淀。北海之水。來自巴溝。或云巴溝即南海淀也。有石梁一。是曰西勾。巴溝之旁。有水從青龍橋河東南流。入于淀南五里為丹稜沈。

又南為陂五六出于巴溝。達白石橋與高粱水合。

長元按明王嘉謨薊邱集云。沈水再潄為溪。有村

曰東雉。水入地中。出于巴溝。白溝達于白石。以入

于高粱。是丹稜沈之水。未嘗明與巴溝通也。且丹

稜沈三字見自元碑。未知所始。故土人不知其名。

伏讀

御製碑云。園前有水一溪。俗稱菱角泡子。疑即所謂丹稜沈也。其水山南而北。不與巴溝通。可證孫朱二書之誤。

明朱國祚西勾橋詩。東雉村邊水。西勾橋下流。濯纓人不至。處處浴沙鷗。

王士禎竹枝詞。西勾橋上月初升。西勾橋下水澄澄。綺石迴廊都不見。遊人還問米家燈。

暢春園即明李武清侯清華園詳苑園

清華園明李威晚別業。臨丹稜沆園廣十里。正中滄海堂。堂北亭置清雅二字。明肅太后手書也。園中牡丹多異種。以綠蝴蝶為最。開時足稱花海。西北水中起高樓五楹。樓上復起一臺。俯瞰王泉諸勝。

清華園前後重湖。一望漾渺。在都下為名園第一。若以水論。江淮以北亦當第一也。

明袁中道海淀集李園詩。滿目塵沙塞路谿。夢魂久已憶山棲。誰知烟水青溪曲。只任天都紫陌西。鎮日浮舟穿柳澗。有時騎馬出花畦。到來賓主紛相失。總是仙源路易迷。

洪雅園即明米萬鍾勺園。今為鄭親王邸第。勺園在北淀。明水曹郎米仲昭別業。又曰風烟里。中有曰色空天。曰太一葉。曰松垞。曰翠葆榭。曰林於菴。

都人稱曰米家園。仲詔繪園中景為燈。邱壑亭臺。纖悉具備。都人又稱為米家燈。

明王思任題勺園詩。纔辭帝里入風烟。處處亭臺鏡裏天。夢到江南深樹底。吳兒歌板放秋船。

查嗣粟雜咏詩。東雉西勾地較寬。米園絕有好林巒。只因身住風烟里。畫個朝叅一笑看。

泉宗廟在丹稜沈南萬泉莊。乾隆三十二年建。正殿供龍神像。後為樞光閣。上祀真武。下供龍王龍母像。有御書聯額并御製碑御製詩。

一。廟東所內院中正宇三間。稍南為曙光樓。山後敞室為挹源書屋。右有六方亭。南為觀瀾亭。北為扇淳室。

東為向綠軒。北為至善堂。堂西為秀舉樓。至善堂北為湛虛樓。樞光閣右廊而西曰依綠軒。軒南為

蟬淵榭。東接樂清館。榭之南建石坊二架。以石橋橋外稍東曰津逮亭。樂清館之南為碑亭。西南宇

曰愛景庭。後為集遠堂。館西為苑之西罽門。

考按廟內外淙泉之處

皇上各錫嘉名。立碣以志。其在廟門之外者。凡三。南曰

大沙泉小沙泉。北曰沸泉。廟內東所廳宇對岸曰
漉泉。屑金泉。曙光樓後曰冰壺泉。金瀾泉。規泉。山
後度紅橋曰露華泉。鑑空泉。印月泉。觀瀾亭畔曰
藕泉。躍魚泉。松風泉。扇淳室後曰晴碧泉。白榆泉。
向綠軒畔曰桃花泉。至善堂之西曰琴脈泉。秀舉
樓之右曰杏泉。澹泉。再南曰瀏泉。樞光閣東配殿
南曰洗鉢泉。西所依綠軒右曰浣花泉。輝淵榭之
南曰漱石泉。橋畔曰乳花泉。漪竹泉。柳泉。楓泉。雲
津泉。樂清館之南方池曰月泉。西曰貫珠泉。凡二

十有八皆

御書勒石

長元按 懋勤殿底冊。門外立碣五大。沙泉小沙
泉沸泉月泉。巴溝門內立碣二十八。有苻帶泉。其
餘同。今門內訛苻帶泉爲月泉。門外少月泉。巴溝
二碣。未知孰誤。

三教菴在萬泉莊有

御製萬泉莊碑

延壽菴在巴溝村

永寧寺在 暢春園西北門內。後殿供十六羅漢。寺門外為崇臺。臺後為船塢。有

聖祖暨

今上御書聯額。

聖化寺在 暢春園小西廠之南門外二里許。門殿凡五層。有

聖祖暨

今上御書聯額

山門外度東閘橋迤西為北所內 正殿額曰青翠

霄漢。西院正宇額曰和風霽月。中虛靜齋宮門內額

曰怡庭柯。臨河額為欣稼亭。自北所東橋轉西富門

內。正殿為含淳堂。後殿為佛樓。右臨池樓。後為得

真齋。西為帶崑亭。東為翳翠軒。為仙楹樓。東為湛凝

齋。為敷嘉室。仙楹之東為襟嵐書屋。稍南循廊而西

為矚岩。又南敞宇曰泉石且娛心。

長元按泉宗廟聖化寺。舊聞考俱入苑園。但在丹

稜沆之南。非若香山寺在靜宜內垣可比。故以名

勝例改入郊坳。

永通寺在南海淀。前明舊刹也。本朝康熙間重修。

聖祖御書清梵寺額有

世祖御書又

今上頒賜藏經全部

龍翔寺在馬家口。前明舊刹。本朝康熙間重修。有

聖祖暨

世宗御書聯額

覺生寺在曾家莊。雍正十一年建。乾隆間移明永樂時
華巖鐘懸于寺內。有

世宗御製碑又

今上御書并御製詩勒碑陰

沈德潛覺生寺大鐘歌。牙角鬚鬚蟠老龍。色相古
黝兼青紅。旋蟲躡踞列象獸。旁羅鬼怪諸姦凶。重
逾萬石更萬石。漢高廟器將毋同。金泥傳自明永
樂。遷都北地仍燕封。廟社既建鼎呂定。次及梵宇
成。華鐘道衍監造役鳧氏。數倍仙掌鎔金銅。彌陀
華巖蒼全部。沈學士。皮筆藏稜鋒。懸之傑閣入雲
表。六僧舉杵齊撞春。當年燕飛啄孺子。南兵百萬

為沙蟲抄連瓜蔓凝碧血。旣延赤族鋤羣患。憑仗
佛力消黑業。趲趲聲徹天門重。恒河沙數至無算。
火燄滅炮刀輪空。從來王者貴不殺。豈緣象教尊
禪宗。神孫更創萬壽寺。大璫勢力移其中。熹宗以
後委諸地。龍卧沙草雲難從。熙朝郭西建寶刹。
重樓複殿棟宇隆。錫名覺生代木鐸。警醒憤憤憐
愚蒙。鐘從廢寺徙新插。萬牛回首駘徒工。鯨鏗鼉
鳴整課誦。響達長樂隨天風。我來郊原訪林麓。一
徑委折趨靈宮。諦眎古蹟夾雙甍。偉觀一豁平生

胸。因思雞鳴埭西北。巨鐘蝕土眠蒿蓬。摩抄永樂
二年鑄。兩地禱福邀天功。一鐘淪棄聲久啞。一鐘
叩擊驚頑聾。蒲牢亦等遇不遇。何況土類分雌雄。
獨惜大鑪置佛地。虛無祇伴金仙蹤。今皇崇道
講經學。鴻都觀禮來耆童。始終條理藉法物。曷不
輦載歸辟廱。於論於樂頌。聖德相和鼙鼓聲逢
逢。

藥王廟在小泥窪。乾隆三十七年重修。

紫竹林碧霞宮在陳府村。係舊刹羽士居之。本朝康

熙間重修。

度紅橋而北為

圓明園。詳苑

中營都司署駐 圓明園。

前湖在 圓明園前。乾隆間所開有

御製詩碑。

南海淀迤北是為 暢春園。紅橋河水從 暢春園

西北門五空閘流出垣外。在 圓明園宮門之南。迤

邐東注。稍折而北流。經 長春園大東門外石橋。合

御園諸水趨清河。會沙河以入白河。

慧福寺在 圓明園宮門左。舊名清芳菴。雍正元年建。

世宗賜今額。

善緣菴在 圓明園左。係舊刹。

泰山聖母廟在善緣菴右。康熙年建。

澄懷園在海淀。大學士張廷玉 賜園。繼大學士劉統

勳居之。燬于火。後為 內廷翰林公寓。

沈德潛遊澄懷園詩。名園水木互潏洄。地近 離

宮絕點埃。虞褚並官親。禁掖 鄒枚分宅住。樓臺荷

風入座香難散。鷗侶依人夢不猜。行到苑牆遙指點。此間合號小蓬萊。

大樹菴在華家屯。舊有前後兩菴。康熙間重修。

聖祖御書額曰勅建大樹菴。

觀音菴在大樹菴西。康熙年建。

蕭家河橋在圓明園西北門外。舊有閘。今仍其制。其

水由青龍橋來東北流。繞圓明園後約三里許。至

車房村合紅橋河。

長春園詳苑圖大東門外大石橋。有關帝廟。西北里許地

名二河間。亦有關帝廟。大北門前營有三聖菴。皆

本朝建立。

法慧寺在長春園東北門殿二層。有

御書額。

圓明園守備署在掛甲屯西胡同。

安河橋南有豐益倉有三官廟。乾隆二十九年建。其碑

畧云左遶長河右金山。

長元按豐益倉雍正年建。圓明園所駐西四旗

及健銳營兵精。俱于此支領。

圓明園樹村守備。在樹村南。

泰山聖母廟。在達官郵。明天啟四年建。觀音菴。乾隆

五年建。俗稱將軍廟。以殿內觀音大士像左右。有右

像二刻。為將軍侍立之形也。

大有莊。在達官郵西南里許。莊前為御道。

昆明湖。即西湖。景為玉泉龍泉所滙。此地最窪。受諸泉

之委。滙為巨浸。土名大泊湖。環十里。乾隆癸亥。命

流濬。開拓周四十里。西山泉脈。隨地涌現。因勢順導。

流注于湖。其自西北來者。尚有二源。一出于十方首

覺寺旁之水頭。一出于碧雲寺內石泉。又開洩水

河二。自靜明園土山外。為東北一帶洩水河。其水東

北合蕭家河諸水。歸清河。自四王府土山外。為西南

一帶洩水河。其水經小屯村折而南。經雙槐樹之東。

又東南至八里莊。滙于釣魚臺前湖。內為正陽廣寧

廣渠。三門城河之上流。皆乾隆間開濬。

賜名昆明湖。堤上有廓如亭。亭北為崑崙石勒。

御製詩。其旁范銅為牛背鐫。

御製金牛銘。又

御製萬壽山昆明湖記勒石 清漪園

西湖方十餘里。有山趾。其崖曰甕山寺。曰圓靜寺。左田右湖。又三里為功德寺。洪波衍其東。幽林出其南。路盡叢薄。始達于野。乃有玉泉出于山下。歛薄轉激。散為谿池。池上有亭。宣宗駐蹕處也。又一里為華嚴寺。有洞三。其南為呂公洞。一竅深黑。投以石有水聲。莫有窮之者。

水從高梁橋而西。傍有極樂真覺諸寺。臨之前廣源。閘節之上。麥莊橋。越之。過橋為湖。界以長堤。湖在堤南。稻田豆場在堤北。曰西堤。者城西堤也。堤行八九里。龍王廟。廟之旁黑龍潭。又行一里。堤盡。右有村。上青龍橋。即玉泉山下也。

明王直西湖詩。玉泉東滙浸平沙。八月芙蓉尚有花。曲島下通蛟女室。晴波深映梵王家。當時鳧雁聞清嘒。舊日魚龍識翠華。堤下連雲杭稻熟。江南風物未宜誇。

明馬汝驥西湖詩。珠林翠閣倚長湖。倒映西山入畫圖。若得輕舟泛明月。風流還似剡溪無。

王士禎西湖隄詩。隄外春流界稻田。隄邊鷗鷺淨娟娟。風烟里畔千條柳。十里清陰到玉泉。萬樹垂楊掃綠苔。桃花深映榭籬開。遊人盡說西湖好。須及清明上巳來。

沈德潛西湖堤散步詩。左帶平田右帶湖。晴虹一路繞菰蒲。波間柳影疎兼密。雲際山容有忽無。遺臭豐碑舊閣登。煎茶古寺老浮屠。閒遊宛似蘇堤畔。欲向橋邊問酒壺。

大承天護聖寺。元天歷二年建。在西湖盡處近金山口。

規制鉅麗。明改為功德寺。本朝乾隆間重修。有

御書額并御製碑。

功德寺舊名護聖。前有古臺二。相傳元主游樂更衣處。或曰此看花釣魚臺也。寺極壯麗。立穹碑二。其一宣廟御製。其一元舊物。蒙古字有毘盧閣崇數仞。凭闌而眺。一寺之勝皆在目前。

寺初興時。板菴禪師能役木毬。毬大如斗。不脛而走。逢人躍地如叩首狀。入侯門戚里募金。人目為木毬使。者所募金錢以建巨刹。其毬至今尚存。

長元按元史至順二年。築駐蹕臺于承天護聖寺。
東則寺內古臺乃駐蹕臺。與看花釣魚爲三耳。
明程敏政功德寺詩。東風幾日到郊坰。岸草汀蒲
已自青。羈客乍來無暇日。野人相見亦忘形。湖當
鷺嶺烟光重。路入龍潭水氣腥。聞說先皇曾駐蹕。
紅雲猶繞玉泉亭。

查慎行廢功德寺詩。瓦落空牆土盡崩。雜耕猶剩
兩三僧。晨參栢子留禪侶。夜看松花照鬼燈。駐蹕
亭邊牛飼草。釣魚臺畔鼠攀藤。木毬斗大今安用。

自古琳宮有廢興。

查嗣琛雜咏詩刻。絲秘像。錐金柱。虎口開時古殿
崩。事去木毬稽首懶。更誰乞米救殘僧。

明景帝陵在金山口。今封樹如故。有

御製詩碑。

朱彝尊謁景皇陵詩。重湖裂帛已流澌。岸柳三眠
又一時。尚有寢園開夕照。每逢人日撫殘碑。童童
獨樹棲禽少。冉冉長途下馬誰。回首昌平山近遠。
裕陵松柏總淒其。

甕山在京城西三十里玉泉之東西湖當其前金山拱其後乾隆十六年

賜名萬壽山山前為

清漪園

詳苑圃

甕山在海淀西五里土色純盧其南岩若洞而圯者一樵人曰此少昂仙室也人家傍山小具池亭桔槔鋤梨咸置垣下酷似江南風景

甕山相傳有老父鑿石甕上有華蟲雕刻文中有物數十種悉為老父携去置甕于山之西留識曰石甕徙貧帝里嘉靖初甕不知所在嗣是物力漸耗

朱彝尊甕山詩石甕久已徙青山仍舊名去都無一舍已覺旅塵清

查嗣琛雜咏詩少昂仙家久結隣帝城佳氣有金銀誰移寶舊他山去從遣三街九市貧

大報恩延壽寺在甕山下明圓靜寺舊址本朝乾隆十五年于其地復建門殿凡五層皆

御書額并御製碑又御製詩勒碑陰西為羅漢堂倣杭州淨慈寺田字式建內分甲乙十道塑阿羅漢五百尊皆

御書額

圓靜寺弘治七年助聖夫人羅氏建。因岩而構。甃為石磴。游者拾級而上。山頂有屋曰雪洞。俯視湖曲。平田遠村。綿亘無際。

元丞相耶律楚材墓。在萬壽山南麓。數百武。好山園之。東。乾隆十五年。

命立祠宇。有御製詩碑。

耶律楚材墓前祠。廢。諸石獸俱零落。一翁仲立而未仆。天啟七年夏夜。有螢千百集翁仲首。上人望見。

譚曰石人眼光也。質明共踏而碎之。

甕山下耶律丞相祠。崇禎中尚存。公及夫人二石像。端坐陌頭。公像鬚分三縷。其長過膝。

明王嘉謨耶律丞相墓詩。丞相遺邱湖水陰。荒榛野草自蕭森。亭前瀑布搖空穴。雪後寒禽噪大林。慄慄尚思戎馬日。艱難深仗哲人心。雲龍鵝鶴真餘事。獨弔空山淚滿襟。

王士禎詩石甕山頭歸片雲。望湖亭上倚斜曛。紙錢社酒棠梨道。誰到湖邊耶律墳。

查嗣琛雜咏詩。隨身短鋪埋何用。誓墓殘碑枉瘞
銘。丞相頭顱曾出土。莫教翁仲怨流螢。

圓明園把總署。在甕山東北。

須彌靈境。在萬壽山北長橋南。後為香岩宗印之閣。閣
東為善現寺。西為雲會寺。

萬壽山後溪河。亦發源于玉泉。自玉河東流。經柳橋曲
折東注。其出水分為三。一由東北門西垣下開口出
並歸。圓明園西垣外河。一由惠山園南流出垣下
為官門前河。又南流由東堤外河會馬廠諸水入。

圓明園內為昆明湖

宮門前河東西為長堤。其西南為養水湖。東堤之北
為文昌閣。南為廓如亭。亭西為長橋。又南為繡漪橋
廓如亭。西度長橋為廣潤祠。繡漪橋北湖中圓島上
為鳳凰墩。西堤之北為柳橋。桑苧橋。玉帶橋。稍南
為鏡橋。練橋。界湖橋。湖北岸為蠶神廟。北為織染局。
後為水村居。自此西接玉泉。

青龍橋在甕山北五里。元明白浮堰之上流也。其西通
金山口。其北斜界百望山。有

御製詩其闡之製今仍其舊東半里許設城關有御書額

七里泊在碾莊源自昌平州東南流至宛平縣合高梁青龍橋跨其上

查慎行青龍橋詩。甕山西北巴溝上。指點平橋接碾莊。自甕清渠成石碣。盡迴流水入宮墻。殘荷落瓣魚鱗活。高柳飄絲鷺頂涼。不礙蹇驢行蹩蹩。有人緩轡正思鄉。

慈恩寺在青龍橋側。明萬歷中勅建。寺東有塔院。

○西方菴在青龍橋南里許。東望據湖。梵宇雖不雄偉。而極精嚴。稍南為三元寺。甚隘。而頗饒水木之勝。

紅石山有妙應寺。關帝廟。皆明建。本朝重修。

妙應寺後有碣房。全座并亭一。碣房之下為山神廟。

寶藏寺。明正統間建。本朝重修。

過金山口數里。有谷頗幽邃。上坡三里許。度大壑。又三里許。是為寶藏寺。正統四年。係西域僧道深建。初名蒼雪菴。勅賜今額。

畫眉山由金山口度嶺。至冷泉村。泰州務後。產石黑色。

浮質而賦理。入金宮為眉石故名。

黑龍潭在畫眉山。有龍神廟。祈禱雨澤甚為靈應。有

世宗御製碑。又

今上御製詩勒石。

山上龍湫圍廣十畝。水從石罅中出。下溢田間。潺潺有聲。山北十里有溫泉。

玉泉山在舊山北。青龍橋西。金章宗建行宮于此。元明以來。皆為游幸之所。本朝康熙間修葺。

聖祖賜名靜明園。詳苑圖

玉泉山以泉名。泉出石罅。瀦為池。廣三丈許。水清而碧。細石流沙。綠藻紫荇。一一可辨。池東跨小石梁。水經橋下。東流入西湖。山頂有金行宮芙蓉殿故址。相傳章宗嘗避暑于此。

玉泉山土紋隱起。作蒼龍鱗。沙痕石隙。隨地皆泉。山陽有巨穴。泉歎而上。淙淙有聲。或名之噴雪泉。有

御書玉泉趵突四字。為燕京八景之一。碑在靜明園

元王暉游玉泉詩。峰頭亂石鬪嗟呀。水底浮光浸碧霞。絕似蘇門山下路。惜無修竹與梅花。

明劉大夏玉泉道中詩。晚來聯騎踏晴沙。風景蒼
蒼一望遐。幾處白雲前代寺。數村流水野人家。鶯
啼別墅春猶在。馬到西山日未斜。回首不知歸路
遠。九重宮殿隔烟霞。

王士禎玉泉詩。蕭晨金山下。濯纓玉泉水。十畝清
瑤流。分明鏡相似。金膏時掩映。碧玉相傾委。水荇
隨風翻。靡靡映清池。垂楊夾碕岸。其下多芳芷。流
為裂帛湖。宛若昆明裏。湖上多漁村。網罟集沙尾。
宣宗昔遊幸。龍舸茲山趾。當年功德寺。荒涼嘯山

鬼。何況芙蓉殿。遺蹟皆銷毀。碧水自東流。彌傷人

代駿。儻逐五湖舟。去問鴟夷子。

宋學玉泉詩。清泉噴薄散驪珠。咫尺流為裂帛湖。
常送寒淙穿大內。新開水殿做三吳。烟霞窟宅天
留勝。楊柳汀洲畫不殊。淼淼恩波閒極目。願同黃
鵠一霑濡。

龍王廟在玉泉山麓。廟據泉上。渟泓方廣數丈。湧泉如
珠。名裂帛湖。然山旁石縫皆迸流。濺雪不特此湖也。
裂帛湖泉源仰射如珠串。古榆蔭潭上極幽秀。過趙家

堤水更深碧

王士禎裂帛湖詩。裂帛湖光碧玉環。人家終日映潺湲。分明一幅葵侯紙。寫出湖南千萬山。

朱彝尊詩。裂帛湖流兩岸平。柳陰風暖燕飛輕。年光冷笑長安客。開遍山桃不出城。

查嗣琛裂帛湖詩。石迸珠光碎。風磨鏡面平。若教褒女聽。應愛此泉聲。

呂公洞在玉泉西二里。觀音寺依山入門有洞深廣二尋。亦曰觀音洞。昔呂仙憩此去而洞名也。

呂公岩下臨一潭廣丈餘。山上有看花臺卷幔樓。

查慎行呂公洞詩。只道山窮水亦窮。忽攀石磴與雲通。芙蓉殿底三重閣。楊柳橋南一面風。老去文人多入道。從來絕境必凌空。知君欲傲長江簿。佛

號曾呼禁苑中。

山頂即金章宗芙蓉殿址

○昭化寺在玉泉山麓。元世祖建。

○崇真觀在玉泉山下。觀外小澗環流。清淺可度。前累石為臺。下甃方池。池上有斗室曰靈淵齋。

上華嚴寺下華嚴寺。俱明正統間建。其額英廟勅賜。寺

有二洞。一在山腰。一在殿後。曰七真洞。或云卽翠華洞。洞中石壁。鏤元耶律丞相一詞。明大學士夏言和之。亦鏤于壁。

元耶律楚材鷓鴣天詞。花界傾頽事已遷。浩歌遙望意茫然。江山王氣空千劫。桃李春風又一年。橫翠嶂。架寒烟。野花平碧怨啼鴉。不知何限人間夢。併觸沈思到酒邊。

明夏言和詞。人世滄桑有變遷。靈岩玉洞自巋然。朝衣幾共游山日。佛界仍存刻石年。嗟歲月。惜夙

風烟。等閒花發又啼鴉。只將彩筆題僧壁。玉帶長留向日邊。

○金山寺在華嚴寺右半里。山有玉龍洞。洞出泉。發石爲暗渠。引水伏流。約五里入西湖。名曰龍泉。望湖亭建其上。

明張治望湖亭詩。望湖亭下水如天。會記宣皇賜幸年。玉輦不來鳧雁冷。一湖楊柳鎖寒烟。

○玉泉山右西向。名瓦窰頭。有隆佑菴。僅數廡。垂柳名花。楚楚可翫。

香岩寺在華嚴寺東妙高峯下。寺後有妙高塔。山麓折而北爲羅漢洞。上爲水月洞。

敬一主人諱國香岩寺詩。雨霽空山夕。尋幽入杳冥。雲封千澗白。露濯萬峯青。飛鳥依簷宿。流泉伏枕聽。朦朧空翠裏。孤月自亭亭。

長元按香岩寺卽玉峰塔影爲靜明園十六景之一。又苑圍門載玉泉上爲龍王廟。南爲觀音洞。真武廟。呂祖洞。洞旁爲雙關帝廟。西南爲冠峯亭。亭西爲送珠泉。稍北爲水月菴。北爲聖緣寺。寺北爲

仁育宮。奉天齋。又西宮門外迤北有妙喜寺。香露寺。普通寺。妙雲寺。皆在禁苑左右。爲近時所建者。其沿革未詳。因附識于此。

○法雲寺在西山後妙高峯下。有雙泉鳴于左右。寺門內甃爲方塘。殿倚石。石根兩泉源出焉。西泉出經茶甃。繞中甃。東泉出經香積厨。繞外垣。匯于方塘。所謂香水已。金章宗設八院游覽。此其一院。草際斷碑。香水院三字尚存。

朱彝尊香水院詩。壞磴接雲根。流泉來樹底。宛轉

入僧厨淙淙鳴不已

淙水亭在玉泉山麓大學士明珠別墅子侍講成德嘗于此亭著大易集義粹言

朱彝尊臺城路詞一灣裂帛湖流遠沙堤恰環門
徑岸劃青秧橋連皂莢慣得游驄相並林淵錦鏡
愛壓水亭虛翠螺遙映幾日温風藕花開遍鷺鷥
頂不知何者是客醉眠無不可有底心性砑粉長
箋翻香小曲比似江南風景看來也勝只少片天
斜樹頭帆影分我魚磯淺莎今到暝

查慎行淙水亭與唐實君話舊詩鑑裏清光落檻
前水風涼逼鷺鷥肩菰蒲放鴨空灘雨楊柳騎牛
隔浦烟雙眼乍開疑入畫一尊相屬話歸田江湖
詞客今星散冷落池亭近十年

宸垣識畧卷十四

松島街匯昌銀号
六月七日
口匯
九十六

宸垣識畧

宸垣識畧卷十四

古
史
紀
畧
編
卷
十四

